

摛藻堂四庫全書薈要

史部

欽定四庫全書叢要

史部

水經注卷十一



詳校官編修臣繆晉

欽定四庫全書會要卷七千六百二十一

史部

水經注卷十

後魏 鄭道元 撰

濁漳水 清漳水

漳水出上黨長子縣西發鳩山

案此下原本及近刻有之漳水焉四字因

注大漳水二字訛作經

後人又加之焉二字耳

漳水出鹿谷山

案原本及近刻脫漳水二字及山字太平御覽引此注云漳水出鹿谷山

據以訂正與發鳩連麓而在南淮南子謂之發苞山故異

名互見也左則陽泉水注之右則繖蓋水入焉

案繖近刻

訛作散三源同出一山但以南北爲別耳

東過其縣南

又東堯水自西山東北流逕堯廟北又東逕長子縣故城南周史辛甲所封邑也春秋襄公十八年晉人執衛行人石買于長子即是縣也秦置上黨郡治此其水東北流入漳水漳水東會于梁水梁水出南梁山北流逕長子縣故城南

案逕近刻作至

竹書紀年曰梁惠

成王十二年鄭取屯留尚子涅

案近刻
訛作沮

尚子即長子

之異名也梁水又北入漳水

屈從縣東北流

案此下近
刻行注字

陶水南出陶鄉

案近刻訛作
南出南陶

北流逕長子城東西轉逕

其城北東注于漳水

又東過壺關縣北又東北過屯留縣南

案此八字近刻
移在後潞縣北

之上又
脫南字

漳水東逕屯留縣南又屈逕其城東東北流有絳水

注之刻案此下近水西出穀遠縣東發鳩之谷謂之爲

濫水也

案謂之下近刻有絳水西出穀遠縣七字係複上衍文

東逕屯留縣故

城南故留吁國也

案吁近刻訛作子

潞氏之屬春秋襄公十

八年晉人執孫崩于純留是也其水東北流入于

漳故桑欽云絳水出屯留西南

案出近刻訛作逕

東入漳漳水

又東凍水注之

案凍原本及近刻並訛作陳下同今據訛文改正

水西出發

鳩山

案西出近刻訛作出西

東逕余吾縣故城南漢光武建

武六年封景丹子尚爲侯國

案子尚近刻訛作尚子

凍水又東逕

屯留縣故城北竹書紀年梁惠成王元年韓共侯趙成侯遷晉桓公于屯留史記趙肅侯奪晉君端氏而徙居之此矣其水又東流注于漳故許慎曰水出發鳩山入漳案原本及近刻並訛作關從水東聲也案東原本及近刻並訛作章

漳水又東北案近刻脫此三字逕壺關縣故城西又屈逕其

城北故黎國也有黎亭縣有壺口關故曰壺關矣

呂后元年立孝惠後宮子武為侯國漢有壺關三老公乘輿上書訟衛太子即邑人也縣在屯留東不得先

壺闕而後屯留也漳水厯鹿臺山與銅鞮水合

案近刻脫

字水出銅鞮縣西北石墜山東流與專池水合水出

八特山東北流入銅鞮水銅鞮水又東南合女諫水

案合近刻訛作逕

水西北出好松山

案近刻脫出字

東南流北則葦

池水與公主水合而右注之南則榆交水與皇后水

合而左入焉亂流東南注于銅鞮水銅鞮水又東逕

李憲墓墓前有碑碑石破碎故李氏以太和元年立

之其水又東逕故城北城在山阜之上下臨岫壑東

西北三面阻袁二里世謂之斷梁城即故縣之上虎亭也銅鞮水又東逕銅鞮縣故城北城在水南山中晉大夫羊舌赤銅鞮伯華之邑也漢高祖破韓王信于此縣銅鞮水又東南流逕頃城西即縣之下虎聚也地理志曰縣有上虎亭下虎聚者也銅鞮水又南逕胡邑西又東屈逕其城南又東逕襄垣縣入于漳漳水又東北流逕襄垣縣故城南王莽之上黨亭

潞縣北

縣故赤翟潞子國也其相豐舒有雋才而不以茂德
晉伯宗數其五罪使荀林父滅之閼駟曰有潞水爲

冀州浸即漳水也余按燕書王猛與慕容評相遇于

潞川也評障錮山東

案近刻
脫評字

鬻水與軍入絹匹水二

石無他大川可以爲浸

案近刻
脫無字

所有巨浪長湍惟漳

水耳故世人亦謂濁漳爲潞水矣縣北對故臺壁

案近

刻訛作壁
臺下同

漳水逕其南本潞子所立也世名之爲臺

壁慕容垂伐慕容永于長子軍次潞川永率精兵

拒戰阻河自固垂陣臺壁一戰破之即是處也漳水于

是左合黃湏水口

案合近刻訛作右

水出臺壁西張譁巖下

世傳巖赤則土罹兵害故惡其變化無常恒以石粉

汙之令白是以俗目之爲張譁巖其水南流逕臺壁

西又南入于漳漳水又東北厯皇夫山山之南有石

人甃于山上狀有懷于雲表因以名焉有涅水

案涅近刻

訛作洹西出覆甑山而東流與西湯溪水合水出涅縣

西山湯谷五泉俱會謂之五會之泉交東南流謂之

西湯水又東南流注涅水涅水又東逕涅縣故城南

案近刻涅下有氏字考地理

志上黨郡涅氏後漢爲涅縣

縣氏涅水也東與白雞

水合水出縣之西山東逕其縣北東南流入涅水涅

水又東南

案此下近刻行與字

武鄉水會焉水源出武山西南

逕武鄉縣故城西而南得清谷口

案而南下近刻行出字

水源

出東北長山清谷西南與鞏鞏白壁二水合

案近刻鞏訛作

鞏鞏訛
作壁

南入武鄉水又南得黃水口黃水三源同注

一壑東南流與隱室水合水源西北出隱室山東南

注黃水

案源近刻訛作流黃訛作潢

又東入武鄉水武鄉水又東

南注于涅水涅水又東南流注于漳水漳水又東逕

磻陽城北倉谷水入焉

案谷近刻訛作石下同

水出林慮縣之

倉谷溪東北逕魯班門西雙闕昂藏

案近刻訛作雙字石壁霞

舉左右結石脩防崇基仍存北逕偏橋東即林慮之

崎嶇抱犢固也石磴西陞陟踵脩上五里餘崿路中

斷四五丈中以木爲偏橋劣得通行亦言故有偏橋之名矣自上猶須攀蘿捫葛方乃自津山頂即庾

亥眩墜處也

案原本及近刻並訛作即庚眩墜處也考

晉書庾袞傳

袞適林慮山石

勒來攻乃相

與登大頭山而

于其下將收葬

命子抽與之下山中

塗目眩墜崖而死可證此舉

庚袞眩墜事庚誤作庚又

脫袞字

倉谷溪水又北合白木溪溪水出壺關縣東

白木川東逕百晦城北蓋同仇池百頃之稱矣又東

逕林慮縣之石門谷又注于倉溪水倉溪水又北逕

璠陽城東而北流注于漳水漳水又東逕葛公亭北

而東注矣

又東過武安縣

漳水于縣東

案漳水下近刻行逕字

青漳水自涉縣東南來

注之

案近刻脫漳字又注下行流字

世謂決入之所爲交漳口也

案爲近刻

又東出山過鄴縣西

漳水又東逕三戶峽爲三戶津張晏曰三戶地名也

在梁縣西南孟康曰津峽名也在鄴西四十里又東

汙水注之

案汙近刻訛作汙

水出武安縣山東南流逕汙城

北

案汙城近刻訛作于城

昔項羽與蒲將軍英布濟自三戶破

謂訛作

章邯于是水汙水東注于漳水漳水又東逕武城
南世謂之梁期城梁期在鄴北俗亦謂之兩期城
皆爲非也司馬彪郡國志曰鄴縣有武城武城即期城
矣漳水又東北逕西門豹祠前祠東側有碑隱起爲字
祠堂東頭石柱勒銘曰趙建武中所脩也

案建近刻訛作達

魏文帝述征賦曰羨西門之嘉迹忽遙睇其靈宇漳
水右與枝水合其水上承漳水于邯會西而東別與
邯水合水發源邯山東北逕邯會縣故城西北注枝

水

案枝原本及近刻並訛作漳今改正

故曰邯會也張晏曰漳水之別

自城西南與邯山之水會今城旁猶有溝渠存焉漢

武帝元朔二年封趙敬肅王子劉仁爲侯國其水又

東北入于漳昔魏文侯以西門豹爲鄴令也引漳

以溉鄴民賴其用其後至魏襄王以史起爲鄴令又堰

漳水以溉鄴田咸成沃壤百姓歌之魏武王又堨漳

水迴流東注號天井堰二十里中

案近刻脫二十二字作十二

壘壘相去三百步令互相灌注一源分爲十二流皆

懸水門陸氏鄴中記云水所溉之處名曰堰陵澤近

刻作晏
波澤故左思之賦魏都謂墮流十二同源異口者

也魏武之攻鄴也引漳水以圍之獻帝春秋曰司空

鄴城圍四十里初淺而狹如或可越審配不出爭

利望而笑之司空一夜增脩廣深二丈引漳水以注

之遂拔鄴本齊桓公所置也故管子曰築五鹿中牟

鄴以衛諸夏也後屬晉魏文侯七年始封此地

案此近刻

史記作故曰魏也漢高帝十二年置魏郡治鄴縣王莽

更名魏城後分魏郡置東西部都尉故曰三魏魏武
又以郡國之舊引漳流自城西東入逕銅雀臺下伏
流入城東注謂之長明溝也渠水又南逕止車門下
魏武封于鄴爲北宮宮有文昌殿溝水南北夾道枝
流引灌所在通溉東出石竇堰下案近刻
曉堰字注之隍水

案隍近刻
訛作惶

故魏武登臺賦曰引長明灌街里謂此渠

也石氏于文昌故殿處造東西太武二殿于濟北穀
城之山案穀近刻
訛作殿採文石爲基一基下五百武直宿

衛屈柱趺瓦悉鑄銅爲之金漆圖飾焉又徙長安洛

陽銅人置諸宮前以華國也城之西北有三臺皆因

城爲之基

案近刻訛
作之爲基

魏然崇舉其高若山建安十五

年魏武所起平坦畧盡春秋古地云葵丘地名今鄆

西三臺是也

案近刻
脫三字

謂臺已平或更有見意所未詳

中曰銅雀臺

案中上近
刻有其字

高十丈有屋百一間

案一近
刻作餘

臺成命諸子登之並使爲賦陳思王下筆成章美捷

當時亦魏武望奉常王叔治之處也昔嚴才與其屬

攻掖門脩聞變車馬未至便將官屬步至宮門太祖
在銅雀臺望見之曰彼來者必王叔治也相國鍾繇
曰舊京城有變九卿各居其府卿何來也脩曰食其
祿焉避其難居府雖舊非赴難之義時人以爲羨談
矣石虎更增一丈立一屋連棟接棟彌覆其上盤迴
隔之名曰命子窟又于屋上起五層樓高十五丈去
地二十七丈又作銅雀于樓巔舒翼若飛南則金
虎臺案虎近刻訛作雀高八丈有屋百九間北曰冰井臺亦高

八丈有屋百四十五間

案近刻
脫五字

上有冰室室有數井

井深十五丈藏冰及石墨焉石墨可書又燃之難盡

亦謂之石炭又有粟窖及鹽窖

案近刻訛作
及鹽脫窖字

以備不

虞今窖上猶有石銘存焉左思魏都賦曰三臺列峙

而崢嶸者也城有七門南曰鳳陽門中曰中陽門次

曰廣陽門東曰建春門北曰廣德門次曰殷門西曰

金明門一曰白門鳳陽門三臺洞開高三十五丈石

氏作層觀架其上置銅鳳頭高一丈六尺東城上石

氏立東明觀觀上加金博山謂之鏘天北城上有齊

斗樓

案斗近刻訛作午

超出羣榭孤高特立其城東西七里

南北五里飾表以搏百步一樓凡諸宮殿門臺隅雉

皆加觀榭層甍反宇

案近刻訛作及字

飛檐拂雲圖以丹青

色以輕素當其全盛之時去鄴六七十里遠望若亭

巍若仙居魏因漢祚復都洛陽以譙爲先人本國許

昌爲漢之所居長安爲西京之遺迹鄴爲王業之

本基故號五都也今相州刺史及魏郡治漳水自西門

豹祠北逕趙閼馬臺西基高五丈列觀其上石虎每講武于其下升觀以望之虎有臺上放鳴鎬之矢以爲軍騎出入之節矣漳水又北逕祭陌西戰國之世俗巫爲河伯取婦祭于此陌魏文侯時西門豹爲鄴令約諸三老曰爲河伯娶婦幸來告案辛近刻
訛作卒吾

欲送女皆曰諾至時三老廷掾賦斂百姓取錢百萬巫覡行里中有好女者祝當爲河伯婦案祝近刻
作呪以錢三萬聘女沐浴脂粉如嫁狀豹往會之三老巫掾與

民咸集赴觀巫嫗年七十從十女弟子豹呼婦視之
以爲非妙令巫嫗入報河伯投巫于河中有頃曰何
久也又令三弟子及三老入白並投于河豹磬折曰
案磬近刻訛作聲三老不來奈何復欲使廷掾豪長趣之皆
叩頭流血乞不爲河伯取婦淫祀雖斷地留祭陌
之稱焉又慕容儻投石虎尸處也田融以爲紫陌也趙
建武十一年造紫陌浮橋于水上爲佛圖澄先造生
墓于此紫陌建武十五年卒十二月葬焉即此處也漳

水又對趙氏臨漳宮宮在桑梓苑多桑木故苑有其

名三月三日及始蚕蟲之月虎帥皇后及夫人採桑于此

今地有遺桑墉無尺雉矣漳水又北澨水入焉

案澨

近刻訛作澨又太平御覽引水經注曰澨水發源出

石鼓山南巖下泉奮湧滾滾如湯其水冬溫夏冷崖

上有魏世所立銘水上有祠能興雲雨澨水東流注于漳謂之合河丈當在此句之下原本及近刻並脫

落漳水又東逕梁期城南地理風俗記曰鄴北五十

里有梁期城故縣也漢武帝元鼎五年封任破胡爲

侯國晉惠帝永興元年驃騎王浚遣烏丸渴末逕至

梁期侯騎到鄴成都王穎遣將軍石超討末爲末所

敗于此也

案近刻脫也字

又逕平陽城北竹書紀年曰梁惠

成王元年鄴師敗邯鄲師于平陽者也

案近刻脫敗字

司馬

彪郡國志曰鄴有平陽城即此地也

又東過列人縣南

漳水又東右逕斥丘縣北即裴縣故城南王莽更名之曰即是也地理風俗記曰列人縣西南六十里有即裴城故縣也漳水又東北逕列人縣故城南王莽

更名之爲列治也竹書紀年曰梁惠成王八年惠成

王伐邯鄲取列人者也于縣右合白渠故瀆白渠水

出魏郡武安縣欽口山東南流逕邯鄲縣南又東與

拘澗水合

案澗原本及近刻並訛作
澗下同今據漢書改正

水導源武始東

山白渠北俗猶謂是水爲拘河也拘澗水又東

案原

本及近刻並訛作白渠水又東今改正

又有牛首水入焉水出邯鄲縣西

堵山東流分爲二水洪湍雙逝澄映兩川漢景帝時

七國悖逆

案七近刻訛作六

命曲周侯酈寄攻趙圍邯鄲相

捍七月

案近刻
訛作日

引牛首拘水灌城城壞王自殺其水

東入邯鄲城逕溫明殿南漢世祖擒王郎幸邯鄲晝
卧處也其水又東逕叢臺南六國時趙王之臺也郡
國志曰邯鄲有叢臺故劉劭趙都賦曰結雲閣于南
宇立叢臺于少陽者也今遺基舊墉尚在其水又東
歷邯鄲阜張晏所謂邯山在東城下者也曰單盡也
城郭從邑故加邑邯鄲之名蓋指此以立稱矣故趙
郡治也長沙者舊傳稱桓楷爲趙郡太守嘗有遺囊

粟于路者行人掛囊粟于樹莫敢取之即于是處也

其水又東流出城又合成一川也又東澄而爲諸渚

水東南流

案近刻訛作沁水東南涓注

拘澗水又東入白渠又東

故瀆出焉一水東爲澤諸曲梁縣之雞澤也國語所

謂雞丘矣東北通澄湖白渠故瀆南出所在枝分右

出即邯溝也歷邯溝縣故城東蓋因溝以氏縣也地

理風俗記曰即裴城西北二十里有邯溝城故縣也

又東逕肥鄉縣故城北竹書紀年曰梁惠成王六年

伐邯鄲取肥者也晉書地道記曰太康中立以隸廣
平也渠道交徑互相纏繆與白渠同歸逕列人右會
漳津今無水地理志曰白渠東至列人入漳是也
又東北過斥漳縣南

應劭曰其國斥鹵故曰斥漳漢獻帝建安十八年魏
太祖鑿渠引漳水東入清洹以通河漕名曰利漕渠
漳津故瀆水斷舊溪東北出案舊字近刻訛在斷字上涓流滯注
而已尚書所謂覃懷底績至于衡漳者也孔安國曰

衡橫也言漳水橫流也

案言下近刻行

又東北逕平恩縣

故城西應劭曰縣故館陶之別鄉漢宣帝地節三年

置

案近刻訛作元帝元康三年置

以封后父許伯爲侯國王莽更曰

延平也

案平近刻訛作年

又東北過曲周縣東又東北過鉅鹿縣東

衡漳故瀆東北逕南曲縣故城西地理志廣平有南

曲縣

案近刻訛作曲周縣

應劭曰平恩縣北四十里有南曲亭

故縣也又逕曲周縣故城東地理志曰漢武帝建元

四年置王莽更名直周余按史記大將軍酈商以高祖六年封曲周縣爲侯國又考漢書同案近刻訛是知曲周舊縣非始孝武嘯父案近刻訛作史記同是市補履數十年案近刻脫十字人奇其不老求其術而不能得也衡漳又北逕巨橋邸閣西舊有大梁橫水故有巨橋之稱昔武王伐紂發巨橋之粟以賑殷之饑民服虔曰巨橋倉名許慎曰案近刻脫此三字鉅鹿水之大橋也今臨側水涓左右方一二里中狀若丘墟蓋遺

國故窖處也衡水又北逕鉅鹿縣故城東應劭曰鹿者
林之大者也尚書曰堯將禪舜納之大麓之野烈風
雷雨不迷致之以昭華之玉而縣取目焉路溫舒縣
之東里人父爲里監門使溫舒牧羊澤中取蒲牒用
寫書即此澤也鉅鹿郡治秦始皇二十五年滅趙以
爲鉅鹿郡漢景帝中元年案近刻重作三年一元字爲廣平郡武
帝征和二年案近刻訛以封趙敬肅王子爲平于國案近刻訛作爲廣平侯國世祖中興更爲鉅鹿也鄭玄注尚書引地說

云大河東北流過絳水千里至大陸爲地腹如志
之言大陸在鉅鹿地理志曰水在安平信都鉅鹿與
信都相去不容此數也水土之名變易世失其處見
降水則以爲絳水故依而廢讀或作絳字非也今河
內共北山案近刻訛
作北共山淇水出焉案淇水下近刻有
共水二字條衍文東
至魏郡黎陽入河近所謂降水也降讀當如鄭降于
齊師之降案鄭近刻訛
作城蓋周時國于此地者案近刻
脫此字惡

言降故改云其耳案云近刻訛
作之又今河所從去大陸遠

矣館陶北屯氏河其故道與余按鄭玄據尚書有東過洛汭至于大伾北過降水至于大陸推次言之故以淇水爲降水共城爲降城所未詳也稽之羣書共縣本共和之故國案本上近刻行故字是有共名不因惡降而更稱案近刻脫因字禹著山經淇出沮洳淇澳衛詩列目又遠當非改絳草爲今號但是水導源共北山案近刻訛作共

北出玄欲成降義案欲下近刻有故以淇水爲降水耳

即如玄引地說黎陽鉅鹿非千里之逕直信都于大

陸者也

案此語有舛誤

惟屯氏北出館陶事近之矣按地理

志云絳水發源屯留下亂漳津是乃與漳俱得通

稱故水流間闊所在著自信都復見絳名而東入于海尋其川脈無他殊瀆而衡漳舊道與屯氏相亂

案近刻脫

氏乃書有過降之文

案近刻脫文字

與地說千里之誌

案近刻脫地

說二字在與字上

即之途致與書相鄰河之過降當應此矣

下至大陸不異經說自甯迄于鉅鹿出于東北皆爲

大陸語之纏絡厥勢眇矣九河既播八枝代絕

案枝近刻

訛作牧 遺迹故稱往往時存故鬲般列于東北徒駿瀆

聯漳絳同逆之狀粗分陂障之會猶在按經考瀆自安故目矣漳水又歷經縣故城西水有故津謂之薄落津昔袁本初還自易京上已届此率其賓從禊飲于斯津矣衡漳又逕沙丘臺東紂所成也在鉅鹿故城東北七十里趙武靈王與秦始皇並死于此矣又逕銅馬祠東漢光武廟也更始三年秋光武追銅馬于館陶大破之遂降之賊不自安世祖令其歸營乃

輕騎行其壘賊乃相謂曰蕭王推赤心置人腹中安
得不投死乎遂將降人分配諸將衆數十萬人故關
西號世祖曰銅馬帝也祠取名焉廟側有碑述河內
脩武縣張尊字景明以建和三年爲鉅鹿太守漳津
汎濫土不稼穡尊披按地圖與丞彭參掾馬道嵩等
原其逆順揆其表裏脩防排通以正水路功績有成
民用嘉賴題云漳河神壇碑而俗老耆儒猶揭斯廟
爲銅馬劉神寺案揭近刻訛作謁是碑頃因震裂餘半不

水經注

可復識矣又逕南宮縣故城西漢惠帝元年以封張越

人子買爲侯國王莽之序中也其水與鴻醴通爲衡

津

案隅說文作渴

又有長蘆深水之名絳水之稱矣今漳水

既斷絳水非復纏絡矣又北絳瀆出焉今無水故瀆

東南逕九門城南又東南逕南宮城北又東南逕繚

城縣故城北十三州志曰經縣東五十里有繚城故

縣也左逕安城南故信都之安城鄉也更始二年和

戎卒正邳彤

案近刻說作和城太守邳彤

與上會信都南安城鄉

上大悅即此處也故瀆又東北逕辟陽亭漢高帝六年封審食其爲侯國王莽之樂信也地理風俗記曰廣川西南六十里有辟陽亭故縣也絳瀆又北逕信都城東散入澤諸西至于信都城東連于廣川縣之張甲故瀆同歸于海故地理志曰禹貢絳水在信都東入于海也

又北過堂陽縣西

衡水自縣分爲二水

案縣近刻訛作堰

其一水北出逕縣故

城西世祖自信都以四千人先攻堂陽降水者也

水上有梁謂之旅津渡商旅所濟故也其右水東北

注出石門門石崩褫餘基殆在謂之長蘆水蓋變引葭

之名也長蘆水東逕堂陽縣故城南應劭曰縣在堂

水之陽穀梁傳曰水北爲陽也今于縣故城南

案縣字近

刻訛在故字下更無別水惟是水東出可以當之斯水蓋包

堂水之兼稱矣長蘆水又東逕九門城北

案城近刻訛作波又

字北故縣也又東逕扶柳縣故城南

案扶柳原本及

近刻並訛作扶

都今據漢書改正

世祖建武三十年封冠恂子損爲侯國案

近刻訛作輯

又東屈北逕信都縣故城西信都郡治也漢高帝六年置景帝中二年

案近刻脫中字

爲廣川惠王越國

王莽更爲新博縣曰新博亭光武自薊至信都是也明帝永平十五年更名樂成安帝延光中改曰安平

城內有漢冀州從事安平趙徵碑又有魏冀州刺史陳留丁紹碑青龍三年立城南有獻文帝南巡碑案

刻脫文字

其水側城北注又北逕安陽城東又北逕武陽

案近

城東十三州志曰扶柳縣東北有武陽城故縣也又北爲博廣池池多名蠟佳蝦歲貢王朝以充膳府又北逕下博縣故城東而北流注于衡水也

又東北過扶柳縣北又東北過信都縣西

扶柳縣故城在信都城西衡水逕其西

案絳瀆之左
出者北逕信

都城東長蘆水自扶柳城南屈北逕信都城西而漳水則逕扶柳城西不得逕信都城西水經之文誤故道元

縣有扶澤澤中多柳故曰扶柳也衡水又北逕

昌城縣故城西地理志信都有昌城縣

案今漢書作昌成無土旁

漢武帝以封城陽頃王子劉差爲侯國閼駟曰昌城
本名阜城矣應劭曰堂陽縣北三十里有昌城故縣
也世祖之下堂陽昌城人劉植率宗親子弟據邑
以奉世祖是也又逕西梁縣故城東地理風俗記曰扶
柳縣西北五十里有西梁城案近刻脫西字故縣也世以爲
五梁城蓋字狀致謬耳衡漳又東北逕桃縣故城北
漢高祖十二年封劉襄爲侯國王莽改之曰桓分也
合斯洨故瀆斯洨水首受大白渠大白渠首受綿蔓

水綿蔓水上承桃水水出樂平郡之上艾縣東流世謂之曰桃水東逕靖陽亭南故關城也又北流逕井陘關下注澤發水亂流東北逕常山蒲吾縣西而桃水出焉南逕蒲吾縣故城西又東南流逕桑中縣故城北世謂之石勒城蓋趙氏增城之案城近刻訛作成故擅其目俗又謂之高功城案近刻脫俗字城下有也字地理志曰侯國也桃水又東南流逕綿蔓縣故城北王莽之綿延也世祖建武二年封郭況爲侯國自下通謂之綿蔓

水綿蔓水又東流逕樂陽縣故城西右合井陘山水

水出井陘山世謂之鹿泉水

案此下近刻有也字

東北流屈逕

陳餘壘西

案近刻訛作而

俗謂之故壁城昔在楚漢韓信東

入餘拒之于此不納左車之計悉衆西戰信遣奇兵
自間道出立幟于其壘師奔失據遂死泜上其水又

屈逕其壘南又南逕城西東注綿蔓水綿蔓水又屈

從城南俗名曰臨清城非也地理志曰侯國矣王莽

更之曰暢苗者也

案暢近刻訛作申

東觀漢記曰

案記近刻訛作書

光武使鄧禹發房子兵二千人以跳期爲偏將軍別
攻真定宋子餘賊拔樂陽稟肥壘者也

案拔近刻
訛作援

綿

蔓水又東逕烏子堰枝津出焉又東謂之大白渠地

理志所謂首受綿蔓水者也白渠水又東南逕關縣

故城北

案關原本及近刻
並訛作開今改正

地理志常山之屬縣也又

東爲成郎河水上有大梁謂之成郎橋又東逕耿鄉

南世祖封前將軍耿純爲侯國世謂之宜安城又東

逕宋子縣故城北又謂之宋子河漢高帝八年封許

癮爲侯國

案癰近刻訛作瘞

王莽更名宜子昔高漸離擊筑

傭工

案近刻脫高字傭訛作傳

自此入秦又東逕敬武縣故城北

按地理志鉅鹿之屬縣也漢元帝封女敬武公主爲

湯沐邑閹駟十三州記曰楊氏縣北四十里有敬武

亭

案近刻脫敬字

故縣也今其城實中小邑耳故俗名之曰

敬武壘即古邑也白渠水又東謂之斯洨水地理志

曰大白渠東南至下曲陽入斯洨者也

案近刻訛作東至曲陽入

洨河東分爲二水枝津右出焉東南流謂之百尺溝
者也

又東南逕和城北世謂之初丘城非也漢高帝十一

年封郎中公孫壯爲侯國

案昔近刻
訛作耳

又東南逕貫

城西

案貫近刻訛
作育下同

漢高帝六年封呂博爲侯國百尺

溝東南散流逕歷鄉東而南入泜湖東注衡水也斯洨

水自枝津東逕貫城北又東積而爲陂謂之陽糜淵

淵水左納白渠枝水俗謂之泜水水承白渠于藁城

縣之烏子堰

案近刻
脫城字

又東逕肥累縣之故城南又東

逕陳臺南臺甚寬廣今上陽臺屯居之又東逕新豐

城北按地理志云鉅鹿有新市縣侯國也王莽更之
曰樂市而無新豐之目所未詳矣其水又東逕昔陽
城南世謂之曰直陽城非也本鼓聚矣春秋左傳昭
公十五年晉荀吳帥師伐鮮虞圍鼓三月鼓人請降
穆子曰猶有食色不許軍吏曰獲城而弗取勤民而
頓兵何以事君穆子曰獲一邑而教民怠將焉用邑
也案近刻無也字有邑以賈怠不如完
舊八字係後人以左傳之文增改 賈怠無卒棄

舊不祥鼓人能事其君我亦能事吾君率義不爽

好惡不愆城可獲也

案近刻無也字有而民知義所五字亦後人以左傳增改

有死

義而無二心不亦可乎鼓入告食竭力盡而後取之
克鼓而返不戮一人以鼓子鳶鞮歸既獻而返之鼓

子又叛荀吳略東陽使師僞羅負甲息于門外

案近刻脫

外鞮而滅之以鼓子鳶鞮歸使涉佗守之者也十三

字

州志曰今其城昔陽亭是矣京相璠曰白狄之別也

下曲陽有鼓聚故鼓子國也自渠枝水又東逕下曲

陽城北

案枝原本及近刻並訛作泜復脫下字

又逕安鄉縣故城南地

理志曰侯國也又東逕貫縣

案近刻記
作育縣

入斯洨水斯

洨水又東逕西梁城南又東北逕樂信縣故城南地

理志鉅鹿屬縣侯國也又東入衡水衡水又北爲袁

譚渡蓋譚自鄴往還所由故濟得厥名

又東北過下博縣之西

衡水又北逕鄗縣故城東竹書紀年梁惠成王三十
年秦封衛鞅于鄗改名曰商即此是也故王莽改曰
秦聚也地理風俗記曰縣北有鄗阜蓋縣氏之又右

逕下博縣故城西王莽改曰閨博應劭曰太山有博
故此加下漢光武自滹沱南出至此失道不知所以
遇白衣老父曰信都爲長安守去此八十里世祖赴
之任光開門納焉漢氏中興始基之矣尋求老父不
得案老父近刻訛作父老議者以爲神衡漳又東北厯下博城
西逶迤東北注謂之九絳案近刻訛作爭西逕樂鄉縣故城
南王莽更之曰樂丘也又東引葭水注之案近刻作列葭水注
也

又東北過阜城縣北又東北至昌亭與滹沱河會

經叙阜城于下博之下昌亭之上考地非比于事爲

同勃海阜城又在東昌之東故知非也

案後漢安平國之阜城即

前漢信都國之昌城故道元明其非勃海之阜城也

漳水又東北逕武邑郡南

魏所置也又東逕武強縣北又東北逕武隧縣故城

南按史記秦破趙將扈驅于武隧斬首十萬即于此

處也王莽更名桓隧矣白馬河注之水上承滹沱東

逕樂鄉縣北饒陽縣南又東南逕武邑郡北而東入

衡水謂之交津口衡漳又東逕武邑縣故城北王莽之順桓也晉武帝封子于縣以爲王國後分武邑武隧觀津爲武邑郡治此衡漳又東北右合張平口故溝上承武強淵謂之西南案此下近刻衍之字側水有武強縣故治故淵得其名焉東觀漢記曰光武拜王梁爲大司空以爲侯國者宿云邑人有行于途者見一小蛇疑其有靈持而養之名曰擔生長而吞噬人里中患之遂捕繫獄擔生負而奔邑淪爲湖縣長及吏咸爲

魚矣今縣治東北半里許落水淵水又東南結而爲湖又謂之郎君淵者宿又言縣淪之日其子東奔又臨于此故淵得郎君之目矣淵水北通謂之石虎口又東北爲張平澤澤水所泛北決堤口謂之張刀溝北注衡漳案近刻訛作衡河謂之張平口亦曰張平溝水溢則南注水耗則輟流衡漳又逕東昌縣故城北經所謂昌亭也王莽之田昌也俗名之曰東相案近刻脫二字蓋相昌聲韻合故致茲誤秀西有昌城故目是城爲東

昌矣衡漳又東北左會滹沱故瀆謂之合口衡漳又東北分爲二川當其水汎處名之曰李聰漁

又東北至樂成陵縣北別出

案近刻訛
作別出北

衡漳于縣無別出之瀆出縣北者

案近刻
脫出字

乃滹沱別

水分滹沱故瀆之所纏絡也衡漳又東分爲二水左

出爲向氏口瀆水自此決入也

案近刻訛作溝
水自始決水也

衡漳

又東逕弓高縣故城北漢文帝封韓王信之子韓彞

當

案近刻訛作高帝封
韓信兄子韓彞當

爲侯國王莽之樂成亭也衡

漳又東北右合柏梁澨水上承李聰渙東北爲柏梁

澨東逕蒲領縣故城南

案蒲近刻
訛作扶

漢武帝元朔三年

封廣川惠王子劉嘉

案近刻
脫惠字

為侯國地理風俗記云

脩縣西北八十里有蒲領鄉故縣也又東北會桑社

枝津

案社近刻訛
作杜下同

又東北逕弓高城北又東北注衡漳

謂之柏梁口衡漳又東北右會桑社溝溝上承從波

世稱盧達從薄亦謂之摩訶河

案近刻訛
作訶摩河

東南通清

河西北達衡水春秋雨泛

案此下近刻有漳澤
津者今五字係行文

觀津

城北方二十里盡爲澤藪蓋水所鍾也其瀆逕觀津

縣故城北樂毅自燕降趙封之于此邑號望諸君王

葬之朔定亭也又南屈東逕竇氏青山南側堤東出

青山即漢文帝竇后父少翁冢也少翁是縣人

案近刻脫

少翁二字作
即是縣人遭秦之亂漁釣隐身墜淵而死景帝立

后遣使者填以葬父起大墳于觀津城東南故民號

曰青山也又東逕董仲舒廟南仲舒廣川人也世猶

謂之董府君祠春秋禱祭不輟舊溝又東逕脩市縣

故城北

案脩近刻訛作循下同

漢宣帝本始四年封清河綱

王子劉寅爲侯國王莽更之曰居寧也俗謂之溫城非

也地理風俗記曰脩縣西北二十里有脩市城故縣

也又東會從波波水南北十里東西六十步子午潭

漲淵而不流亦謂之桑社淵從波南出來堤東派逕

脩縣故城北東合清漳漳泛則北注澤盛則南播津

流上下互相逕通

案近刻訛作道

從波北出東北分爲二川一

川北逕弓高城西而北注柏梁溠一川東逕弓高

城南又東北楊津溝水出焉

案楊近刻作陽下同
又此下原本及近刻

有左瀆北入衡漳謂之楊決口凡十

一字係後條注文訛舛在此今刪

衡水東逕阜城縣

故城北樂成縣故城南河間郡治地理志曰故趙也

漢文帝二年

案近刻脫此二字

別爲國應劭曰在兩河之間

也景帝九年封子德爲河間王是爲獻王王莽更

名郡曰朔定縣曰陸信褚先生曰漢宣帝地節三年封

大將軍霍光兒子山爲侯國也章帝

案近刻訛作漢宣帝三字封

子開于此桓帝

案桓帝上近刻亦衍漢字

追尊祖父孝王開爲孝

穆王以其邑奉山陵故加陵曰樂成陵也

案近刻脫成字今

城中有故池方八十步舊引衡水北入城注池池北對層臺基隍荒蕪示存古意也

又東北過成平縣南

案近刻此下有合清河三字

衡漳又東逕建成縣故城南

案漳近刻訛作津

按地理志故

屬勃海郡褚先生曰漢昭帝元鳳三年封丞相黃霸爲侯國也成平縣故城在北漢武帝元朔三年封河

間獻王子劉禮爲侯國王莽之澤亭也城南北相直

衡漳又東右會楊津溝水水自陂

案此三字近刻
訛作自澤水 東

逕阜城南地理志勃海有阜城縣王莽更名吾城

者非經所謂阜城也建武十五年世祖更封大司馬王

梁爲侯國楊津溝水又東北逕建成縣左入衡水謂

之楊津口衡漳又東左會滹沱別河故瀆又東北入

清河謂之合口又逕南皮縣之北皮亭而東北逕浮

陽縣西東北注也

案近刻
訛作之

又東北過章武縣西又東北過平舒縣南東入海

清漳逕章武縣故城西

案逕近
刻作自

故濺邑也枝瀆出焉

謂之濺水東北逕參戶亭

案戶近刻訛
作后下同

分爲二瀆應

劭曰平舒縣西南五十里有參戶亭故縣也世謂之

平虜城枝水又東注謂之蔡伏溝又東積而爲淀

一水逕亭北又逕東平舒縣故城南代郡有平舒城故

加東地理志渤海之屬縣也魏土地記曰章武郡治

故世以爲章武故城非也又東北分爲二水一右出

爲淀

案一下近
刻有水字

一水北注滹沱謂之濺口清漳亂流

而東注于海

清漳水出上黨沾縣西北少山大要谷

案要近刻
訛作龜

南過

縣西又從縣南屈

淮南子曰清漳出謁戾山

案謁近
刻作揭

高誘云山在沾縣

今清漳出沾縣故城東北俗謂之沾山

案近刻訛
作漳山

後

漢分沾縣爲樂平郡

案近刻
脫後字

治沾縣水出樂平郡沾

縣界故晉太康地記曰樂平縣舊名沾縣

案近刻訛
作舊名清

漳漢之故縣矣

案近刻
脫縣字

其山亦曰鹿谷山水出大要

谷南流逕沾縣故城東不歷其西也又南逕昔陽城
左傳昭公十二年晉荀吳僞會齊師者假道于鮮虞
遂入昔陽杜預曰樂平沾縣東有昔陽城者是也其
水又南得梁榆水口水出梁榆城西大嶠山水有二
源北水東南流逕其城東南注于南水案近刻脫于字南水
亦出西山東逕文當城北又東北逕梁榆城南即閼
與故城也秦伐趙閼與案趙近刻訛作韓惠文王使趙奢救
之奢納許厯之說破秦于閼與謂此也司馬彪袁山

松郡國志並言涅縣有閼與聚盧謐征艱賦曰訪

梁榆之虛郭弔閼與之舊都

案近刻
案閼駒二字近
訛作平閼駒亦云閼與

今梁榆城是也

案閼駒二字近
刻訛作桓字

漢高帝八年封馮解散

爲侯國

案近刻
當是後人據史記所增
作爲閼民侯國

其水左合北水

案左
近刻

右 北水又東南入于清漳清漳又東南與轘水相

得轘水出轘陽縣西北轘山

案轘陽近刻訛
作轘河下同

南流逕

轘陽縣故城西南東流至栗城注于清漳也

東過涉縣西屈從縣南

案涉近刻作沙漢志亦作沙
涉字形相似而三國志有

涉長之稱
今從原本

按地理志魏郡之屬縣也漳水于此有涉河之稱蓋
名因地變也案近刻脫
河字蓋字

東至武安縣南黍窩邑入于濁漳

水經注卷十

欽定四庫全書

水經注卷十一

史部

後魏 鄭道元 撰

易水 滹水

易水出涿郡故安縣閭鄉西山

易水出西山寬中谷

案此道元所謂北
易今名中易水

東逕五大夫

城南昔北平侯王譚不從王莽之政

案從近刻作同

子興生

五子竝避時亂隱居此山故其舊居世以為五大夫

城即此岳讚云五王在中龐葛連續者也易水又東
左與子莊溪水合水北出子莊關南流逕五公城西
屈逕其城南五公即王興之五子也案即近刻作猶光武即
帝位封為五侯元才北平侯益才安憲侯案憲近刻
記作喜

顯才蒲陰侯仲才新市侯季才為唐侯所謂中山五
王也案近刻作中山之五王也俗又以五公名居矣二城竝廣一
里許俱在岡阜之上上斜而下方案二城以下十八字近刻訛在後館此下其水東南入于易水易水又東右會女思谷水

水出西南女思澗東北流注于易謂之三會口易水

又東居開門城西南即燕之長城門也與樊石山水

合水源西出廣昌縣之樊石山

案縣上近刻行鄉字 東流逕覆

金山下東流注于易水易水又東厯燕之長城又東

逕漸離城南蓋太子丹館高漸離處也易水又東逕

武陽城南

案近刻脫城字

蓋易自寬中厯武夫關東出是兼

武水之稱故燕之下都檀武陽之名左得濡水枝津

故瀆武陽大城東南小城即故安縣之故城也漢文

帝封丞相申屠嘉為侯國城東西二里南北一里半
高誘云易水逕故安城南城外東流案近刻脫城字即斯水

也誘是涿人事經明證案近刻訛作事明經證今水被城東南

隅案被近刻訛作破世又謂易水為故安河武陽蓋燕昭王

之所城也東西二十里南北十七里故傳逮述遊賦
曰出北薊歷良鄉登金臺觀武陽兩城遼廓舊迹冥
芒蓋謂是處也易水東流而出于范陽

東過范陽縣南又東過容城縣南

易水逕范陽縣故城南

案逕下近刻行
出字復脫南字

秦末張耳陳

餘為陳勝畧地燕趙命削通說之

案命字近刻
訛在燕趙上

范陽

先下是也漢景帝中二年

案近刻訛作
中元三年

封匈奴降王

代為侯國王莽之順陰也

案近刻訛作
之通順也

昔慕容垂之

為范陽也成之即斯

案此十三字近刻訛在後臺北
有蘭馬臺之上又即斯下當有

脫文意欲圖還上京阻于行旅造次不獲遂中

案此十
六字近

刻訛在後可得而尋下
又上下當有脫文未詳

易水又東與濡水合水出故

安縣西北窮獨山南谷

案此道元所謂北
濡今名北易水

東流與源

泉水合水發北溪東南流注濡水

案南流近刻
訛作西北

濡水

又東南逕樊於期館西是其授首于荆軻處也濡水

又東南流逕荆軻館北昔燕丹納田生之言尊軻上

卿館之于此二館之城間曲泉清山高林茂風煙披

薄觸可棲情方外之士尚憑依舊居取暢林木

案二
館以

下三十三字近刻訛在前
俗又以五公名居之下濡水又東逕武陽城西北

案近刻舊堨濡水枝流入城逕柏家西冢垣城側
脫武字

即水塘也四周塋城深廣有若城焉

案近刻柏訛作
相垣訛作亘域

訛作

其水側有數陵墳高壯望若青丘詢之古老訪

之史籍並無文證以私情求之當是燕都之前故墳

也或言燕之墳塋斯不然矣其水之故瀆南出屈而

東轉又分為二瀆

案此下近刻有一水東注金臺陂七字係重出衍文

一水逕

故安城西側城南注易水夾塘崇峻邃岸高深左右

百步有二釣臺

案近刻脫有二字訛作一

參差交峙迢遞相望更

為佳觀矣其一水東出注金臺陂東西六七里南

北五里

案近刻訛作東西六七

十步南有金北五十步側陂西北有釣臺高

丈餘方可四十步陂北十餘步有金臺臺上東西八

十許步南北如減

案此下近刻有高十餘丈四字係重出行文

北有小金

臺

案近刻脫此五字

臺北有蘭馬臺竝悉高數丈秀峙相對

翼臺左右水流徑通

案徑近刻作逕

長廡廣宇周旋被浦棟

堵咸淪柱礎尚存是其基構可得而尋訪諸耆舊咸

言昭王禮賓廣延方士至如郭隗樂毅之徒鄒衍劇

辛之傳宦遊厯說之民自遠而居者多矣不欲令諸

侯之客伺隙燕邦故脩連下都館之南垂言燕昭創

之于前子丹踵之于後故雕牆敗館尚傳鐫刻之石

案近刻訛作名雖無經記可憑案近刻訛作名雖無紀可憑察其古跡似符

宿傳矣

案近刻脫宿字

濡水自堰又東逕紫池堡西屈而北

流又有渾塘溝水注之水出道縣西白馬山南溪中

東南流入濡水濡水又東至塞口古累石堰水處也

濡水舊枝分南入城東大陂陂方四里今無水陂內

有泉淵而不流際池北側俗謂聖女泉濡水又東得

白楊水口水出道縣西山白楊嶺下

案縣下近刻有之字東南

流入濡水時人謂之虎眼泉也濡水東合檀水

案近刻作

檀山

水出道縣西北檀山西南南流與石泉水會水

出石泉固東南隅水廣二十許步深三丈固在衆山
之內平川之中四周絕澗阻水八丈有餘石高五丈

石上赤土又高一匹

案近刻訛作四上有文字係後人所加

壁立直上

壁直立上廣四十五步水之不周者路不容軌僅通

人馬謂之石泉固固上宿有白楊寺是白楊山神也

寺側林木交蔭叢柯隱景沙門釋法澄建刹于其上

更為思玄之勝處也其水南流注于檀水故俗有并

溝之稱焉

案近刻作矣

其水又東南流歷故安縣北而南

注濡水濡水又東南流于容城縣西北大利亭東南

合易水而注巨馬水也故地理志曰故安縣閭鄉易

水所出至范陽入濡水闢駟亦言是矣又曰濡水合

渠許慎曰濡水入淶淶渠二號即巨馬之異名

案巨馬河

注云即淶水也又云亦曰渠水故此言淶渠二號即巨馬之異名原本及近刻兩淶字竝訛作深而說文

入淶今各本又訛作入漆淶皆輒轉訛誤

然二易俱出一鄉同入濡水南

濡案南濡見澆水內南易南濡竝入澆而杜預云濡水入易蓋以下流既合互攝通稱北易可言入北濡南易可言入南濡故曰二易俱出一鄉同入北濡水南濡也若以南濡北易連讀則不可通矣北易

至涿郡范陽縣會北濡又竝亂流入澆

案此即上所謂濡水東南

巨馬水也是則易水與諸水互攝通稱東逕容城縣

故城北渾濤東注至渤海平舒縣與易水合

案道元敘北易

既會北濡入澆與澆水同逕容城至平舒與南易合以下則敘南易源流然二易混舉幾于不分非尋求端緒竟似訛舛故附釋之闕駟曰涿郡西界代之易水而是水

案此

水
南易出代郡廣昌縣東南郎山東北燕王仙臺東臺

有三峰甚為崇峻騰雲冠峰高霞翼嶺岫壑沖深含

煙罩霧者舊言燕昭王求仙處其東謂之石虎岡范

曄漢書云中山簡王焉之宅也

案近刻
脫焉字

厚其莖採涿

郡山石以樹墳塋陵隧碑獸竝出此山

案此下近刻
有謂之石虎

山山六字係重出行文有所遺二石虎後人因以名岡山之東

麓

案近刻
脫山字

即泉源所導也經所謂閭鄉西山

案近刻
西訛作

曲山字脫其水東流有姑水南會渾波同注俗謂之為電

河司馬彪郡國志曰電水出故安縣世祖令耿況擊

故安西山賊吳耐蠶符電上十餘營皆破之即是水

者也易水又東逕孔山北山下有鍾乳穴穴出佳乳

採者篝火尋沙入穴里許渡一水潛流通注

案近刻訛作潛

通流注其深可涉于中衆穴竒分令出入者疑惑不知

所趣每于疑路必有厯記返者乃尋孔以自達矣上

又有大孔豁達洞開

案豁近刻訛作壑

故以孔山為名也其

水又東逕西故安城南

案城下近刻衍其字

即閭鄉城也厯送

荆陘北

案送近刻訛作逕

者舊云燕丹餞荆軻于此因而名

焉世代已遠非所詳也遺名舊傳不容不銓庶廣後

人傳聞之聽易水又東流屈逕長城西又東流南逕

武隧縣南新城縣北

案隧近刻作遂下同

史記曰趙將李牧伐

燕取武隧方城是也俗又謂是水為武隧津

案近刻脫是字

津北對長城門謂之汾門

案汾近刻作分下同

史記趙世家云

孝成王十九年趙與燕易土以龍兌汾門與燕

案近刻脫

王字燕以葛城武陽與趙即此也亦曰汾水門又謂土字

之梁門矣易水東分為梁門陂易水又東梁門陂水

注之水上承易水于梁門東入長城東北入陂陂水
北接范陽陂陂在范陽城西十里方十五里俗亦謂
之為鹽臺陂陂水南通梁門淀方三里淀水東南流
出長城注易案近刻脫城字謂之范水易水自下有范水通
目又東逕范陽縣故城南即應劭所謂范水之陽也
易水又東逕樊輿縣故城北漢武帝元朔五年封中
山靖王子劉條為侯國王莽更名握符矣地理風俗
記曰北新城縣東二十里有樊輿亭故縣也易水文

東逕容城縣故城南漢高帝六年封趙將夜于深澤

景帝中三年以封匈奴降王唯徐盧于容城

案唯近刻訛作

案塗近刻訛作渥下同皆為侯國王莽更名深澤也易水又東逕水注之

案塗近刻訛作渥下同水上承二陂于容城縣東南謂之大塗
淀小塗淀其水南流注易水謂之塗洞口

案洞近刻訛作同

水側有渾塗城易水逕其南東合澆水故桑欽曰易

水出北新城西北

案西近刻訛作城

東入澆自下澆易互受

通稱矣易水又東逕易京南漢末公孫瓚害劉虞于

薊下時童謠云燕南垂趙北際惟有此中可避世
瓚以易地當之故自薊徙臨易水謂之易京城在易城
西四五里趙建武四年石虎自遼西南達易京以京
障至固今二萬人廢壞之今者城壁夷平案城近刻訛作地

其樓基尚存猶高一匹餘基上有井世名易京樓即
瓚所保也案保近刻訛作堡故瓚與子書云袁氏之攻狀若

鬼神衝梯舞于樓上鼓角鳴于地中即此樓也易水
又東逕易縣故城南昔燕文公徙易即此城也閼駟

稱太子丹遣荆軻刺秦王與賓客知謀者祖道于易

水上燕丹子稱荆軻入秦太子與知謀者

案近刻無此十四字

係後人妄刪考渭水注內記太子丹事亦引燕丹子曰當是古書之逸者

皆素衣冠送之

于易水之上荆軻起為壽歌曰風蕭蕭兮易水寒壯

士一去兮不復還高漸離擊筑宋如意和之為壯聲

士髮皆衝冠為哀聲士皆流涕疑于此也余按遺傳

舊跡多在武陽似不餞此也漢景帝中三年封匈奴

降王僕黷為侯國也

又東過安次縣南

易水逕縣南鄭縣故城北

案鄭近刻訛作鄭

東至文安縣與

滹沱合史記蘇秦曰燕長城以北易水以南正謂此水也是以班固闢駟之徒咸以斯水謂之南易

又東過泉州縣南

案泉近刻訛作東

東入于海

經書水之所厯沿次注海也

澮水出代郡靈丘縣高氏山

即溫夷之水也

案溫近刻訛作溫周禮作嘔

出縣西北高氏山山

海經曰高氏之山澆水出焉東流注于河者也其水
東南流山上有石銘題言冀州北界故世謂之石銘
陘也其水又南逕候塘案近刻訛作川名也日候塘
溫泉水水出西北暄谷其水溫熱若湯能愈百疾故
世謂之溫泉焉東南流逕興豆亭北亭在南原上
欹傾而不正故世以欹城目之水自原案近刻脫此三字東南
注于澆案南近刻訛作流澆水又東莎泉水注之案近刻脫莎字水
導源莎泉南流水側有莎泉亭東南入于澆水澆水

又東逕靈丘縣故城南

案此下近刻有水中原南

注澆水八字係重出行文

應劭曰趙武靈王葬其東南二十里故縣氏之縣古

屬代漢靈帝光和元年中山相臧昊上請別屬也

瓚

注二字

近刻脫

靈丘之號在武靈王之前矣

又按司馬遷史記

案此二字近刻脫

注二字

近刻脫

趙敬侯九年

案此二字近刻

訛作二

敗齊于靈丘則名不因武靈王事

案此二字近刻

脫武字

如瓚注

案此二字近

刻訛作漢注

澆水自縣南流入峽謂之隘門設隘于峽以

譏禁行旅厯南山高峰隱天深溪埒谷其水沿澗西

轉逕御射臺南臺在北阜上臺南有御射石碑南則

秀嶂分霄層崖刺天積石之峻壁立直上車駕沿渻

案近刻訛
作沿革

每出是所遊藝焉

案近刻
脫是字

澆水西流又南

轉東屈逕北海王詳之石碣南御射碑石柱北而南

流也

案射碑近刻訛作所
居又流下有者字行

東南過廣昌縣南

案近刻
脫東字

澆水東逕嘉牙川有一水南來注之水出恒山北麓

稚川三合

案稚近刻
訛作雖

逕嘉牙亭東而北流注于澆水

水之北山行即廣昌縣界滾水又東逕倒馬關關山
險隘最為深峭案最近刻訛作是勢均詩人高岡之病良馬

傳險之因行軒故關受其名焉關水出西南長溪下
東北厯開注滾滾水南山上起御坐于松園建祇洹
于東圃東北二面岫嶂高深霞峰隱日水望澄明淵
無潛甲行李所逕鮮不徘徊忘返矣

又東南過中山上曲陽縣北恒水從西來注之

滾水自倒馬關南流與大嶺水合水出山西南大嶺

下東北流出峽峽右山側

案近刻

有祇洹精廬飛陸

陵山丹盤虹梁

案此二語有舛誤訛作則

長津泛瀾紫帶其下東北

流注于澑澑水又屈而東合兩嶺溪水水出恒山北

阜東北流厯兩嶺間北嶺雖層陵雲舉猶不若南巒
峭秀自水南步遠峯石磴逶迤沿途九曲厯睇諸山

咸為劣矣抑亦羊腸邛崕之類者也齊宋通和路出

其間其水東北流注于澑水又東左合懸水水出山

原岫盤谷輕湍濱下分石飛懸

案此下近刻行水字

一匹有餘

直灌山際白波奮流自成潭渚其水東南流揚湍注于澆澆水又東流厯鴻山

案近刻
脫鴻字

世謂是處為鴻頭

疑即晉書地道記所謂鴻上關者也關尉治北平而畫塞于望都東北去北平不遠兼縣土所極也

案極近刻

訛作極澆水于是左納鴻上水水出西北近溪東南流

注于澆水也

又東過唐縣南

澆水又東逕左人城南應劭曰左人城在唐縣西北

四十里

案近刻左訛作中
又脫在唐縣三字

縣有電水

案近刻脫
此四字

亦或

謂之為唐水也水出中山城之西如北城內有小山
在城西側而銳上若委粟焉

案而近刻
訛作水

疑即地道記

所云望都縣有委粟關也俗以山在邑中故亦謂之

中山城以城中有唐水

案此二字近刻訛
作山之目三字

因復謂之

為廣唐城也中山記以為中人城

案中山記上
近刻行故字

又以

為鼓聚殊為乖謬矣言城中有山故曰中山也

案近
刻訛

作中人
山也

中山郡治京相璠曰今中山望都東二十里

有故中人城

案東近刻訛作西下云但告其不東正辨此言東之誤

望都城東

有一城名堯姑城

案姑近刻作始

本無中人之傳

案近刻訛作中山之

傳璠或以為中人所未詳也中山記所言中人者城

東去望都故城十餘里二十里則減但苦其不東觀

夫異說

案夫近刻訛作矣

咸為爽矣今此城于盧奴城北如

西六十里城之西北泉源所導西逕郎山北

案郎近刻訛作

根郎唐音讀近寔兼唐水之傳

案近刻作稱

西流厯左人

亭注澆水澆水又東左會一水水出中山城北郎阜

下案近刻訛作亦謂之唐水也然于城非在西

郎中阜下

案在西近

刻訛作俗又名之為濱水

案近刻脫俗字

又兼二名焉西南

流入濱竝所未詳蓋傳疑耳濱水又東恒水從西來

注之自下濱水兼納恒川之通稱焉即禹貢所謂恒

衛既從也濱水又東右苞馬溺水水出上曲陽城東

北馬溺山

案山近刻訛作水

東北流逕伏亭晉書地道記曰

望都縣有馬溺關中山記曰八渡馬溺是山曲要害

之地二關勢接

案近刻訛作一開勢帶接

疑斯城即是關尉宿

治異目之來非所詳矣馬溺水又東流注于澆澆水

又東逕中人亭南春秋左傳昭公十三年晉荀吳率

師侵鮮虞及中人大獲而歸者也澆水又東逕京丘

北世謂之京陵

案近刻
脫陵字

南對漢中山項王陵

案近刻
脫中山

二字澆水北對君子岸岸上有哀王子憲王陵坎下有

泉源積水亦曰泉上岸澆水又東逕白土北南即靖

王子康王陵三墳竝列者是澆水又東逕樂羊城北

史記稱魏文侯使樂羊滅中山蓋其故城中山所造

也故城得其名澆水又東逕唐縣故城南此二城

案此

近刻訛作北二城謂左人城唐城也

俱在澆水之陽故曰澆水逕其南

案近刻

訛作東

城西又有一水導源縣之西北平地

案近刻訛作導

源盧奴縣之西北是城西平城之地

泉湧而出俗亦謂之為唐水也東

流至唐城西北隅竭而為湖俗謂之唐池蓮荷被水

嬉遊多萃其上

案嬉近刻訛作勝

信為勝處也

案勝近刻訛作嬉

其

水南入小溝下注澆水自上厯下通禪唐川之兼稱焉應劭地理風俗記曰唐縣西四十里得中人亭今

于此城取中人鄉則四十也唐水在西北入澆與應
符合又言堯山者在南則無山以擬之為非也閼駟

十三州志曰中山治盧奴

案近刻脫中字

唐縣故城在國北

七十五里駟所說北則非也

案北近刻訛作此

史記曰帝嚳

氏沒帝堯氏作始封于唐望都縣在南今此城南對

盧奴故城自外無城以應之考古知今事義全違俗

名望都故城則八十許里

案此句之上當有脫文

距中山城則

七十里驗途推邑宜為唐城城北去堯山五里

案近刻脫

堯

與七十五里之說相符然則俗謂之都山

案近刻訛作都

香

即是堯山在唐東北望都界皇甫謐曰堯山一名

豆山今山于城北如東

案近刻訛作北而如東

嶄絕孤峙虎牙

禁立

案虎近刻訛作唐

山南有堯廟是即堯所登之山者也

地理志曰堯山在南今考此城之南又無山以應之

是故先後論者咸以地理記之說為失

案近刻脫記字此謂應劭

地理風俗記

又即俗說以唐城為望都城者自北無城以

擬之假復有之途程紓遠

案近刻脫遠字

山河之狀全乖古

證傳為疎罔是城西北豆山西足有一泉源東北流逕豆山下合蘇水亂流轉注東入澗是豈唐水乎所未詳也又于是城之南如東十餘里有一城俗謂之高昌縣城或望都之故城也縣在唐南案近刻此下有昌字衍

皇甫謐曰相去五十里稽諸城地猶十五里蓋書誤耳此城之東有山孤峙世以山不連陵名之曰孤山孤都聲相近疑即所謂都山也帝王世紀曰堯母慶都所居故縣目曰望都案此六字近刻訛在前或望都之故城也下張晏

曰堯山在北堯母慶都山在南登堯山見都山故望

都縣以為名也唐亦中山城也為武公之國周同姓

周之衰也國有赤狄之難齊桓霸諸侯疆理邑土遣

管仲攘戎狄築城以固之

案此三十字原本及近刻
竝訛在治水南盧奴縣之

故城下地理志曰盧水出北平

上文義不連貫今訂正移于此

其後桓公不恤國政

周王問太史餘曰今之諸侯孰先亡乎對曰天生民

而令有別所以異禽獸也今中山淫昏康樂逞慾無

度其先亡矣後二年果滅魏文侯以封太子擊也漢

高祖立中山郡景帝三年為王國

案近刻訛
作侯國

王莽之

常山也魏皇始二年破中山立安州天興三年改曰

定州治水南盧奴縣之故城昔耿伯昭歸世祖于此

處也澠水之右盧水注之水上承城內黑水池

案此二十

七字原本及近刻並訛在今府榭猶傳故制下自漢及燕上今訂正移此

地理志曰盧水

出北平疑為疎闊闢駟應劭之徒咸亦言是矣余按

盧奴城內西北隅有水淵而不流南北百步東西百

餘步水色正黑俗名曰黑水池或云水黑曰盧

案近刻訛

作黑水

口盧

不流曰奴故此城藉水以取名矣

案此城近刻訛作城

北

池水東北際水有漢中山王故宮處

案近刻脫中山二字臺

殿觀榭皆上國之制簡王尊貴壯麗有加始築兩宮

開四門穿北城累石為寶

案近刻脫為字

通池流于城中

案

刻訛作通添唐
水流于城中

造魚池釣臺戲馬之觀歲久頽毀遺

基尚存今悉加土為利刹靈圖

案利利近刻訛作刹利

池之四

周居民駢比填褊穢陋

案褊近刻訛作褊

而泉源不絕暨趙

石建武七年遣北中郎將始築小城興起北榭立宮

造殿後燕因其故宮建都中山小城之南更築閼城

興復宮觀今府榭猶傳故制自漢及燕池水逕石竇

案漢近刻訛作漢
池水訛作涿澦水

石竇既毀地道亦絕水潛流出城

潭積微漲涓水東北注于澦澦水又東逕漢哀王陵

北冢有二墳故世謂之兩女陵非也哀王是靖王之

孫康王之子也澦水又東右會長星溝溝出上曲陽

縣西北長星渚

案出近刻
訛作在

渚水東流又合洛光水水

出洛光溝

案近刻
訛作涓

東入長星水亂流東逕恒山下廟

北漢末喪亂山道不通此舊有下階神殿中世以來

歲書法族焉晉魏改有東西二廟廟前有碑闕壇場

列柏焉

案列柏近刻訛作相列

其水又東逕上曲陽縣故城北

本岳牧朝宿之邑也古者天子巡狩常以歲十一月

至于北岳侯伯皆有湯沐邑以自齋潔周昭王南征

不還巡狩禮廢邑郭仍存秦罷井田因以立縣城在

山曲之陽

案城近刻訛作縣

是曰曲陽有下故此為上矣王

莽之常山亭也又東南流胡泉水注之水首受胡泉

案近刻脫
水首二字

逕上曲陽縣南又東逕平樂亭北左會長

星川東南逕盧奴城南又東北川渠之左有張氏墓

冢有漢上谷太守議郎張平仲碑光和中立川渠又

東北合澆水水有窮通不常津注

又東過安憲縣南

案近刻過訛作喜

縣故安險也其地臨險有井塗之難漢武帝元朔五

年封中山靖王子劉應為侯國王莽更名寧險漢章

帝改曰安憲中山記曰縣在唐水之曲

案曲近刻訛作西

山

高岸險故曰安險邑豐民安改曰安惠秦氏建元中

唐水汎漲高岸崩頽城角之下有大積木交橫如梁

柱焉後燕之初此木尚在未知所從余考記稽疑蓋

城地當初山水渟滯漂淪巨棧阜積于斯沙息壤加

漸以成地

案近刻脫漸字
成地訛作城池

板築既興物固能久耳澆

水又東逕鄉城北舊盧奴之鄉也中山記曰盧奴有

三鄉斯其一焉後隸安惠城郭南有漢明帝時孝子

王立碑

案明帝時近
刻訛作朝時

又東過安國縣北

澆水歷縣東分為二水一水枝分東南流逕解瀆亭
南漢順帝陽嘉元年封河間孝王子淑于解瀆亭為
侯國孫宏即靈帝也又東南逕任丘城南又東南逕
安郭亭南漢武帝元朔五年封中山靖王子劉傳富
為侯國其水又東南流入于滹沱澆水又東北流逕
解瀆亭北而東北注

又東過博陵縣南

澠水東北逕蠡吾縣故城南地理風俗記曰縣故饒

陽之下鄉者也自河間分屬博陵漢安帝元初七年

案元初近刻訛作永初

封河間王開子翼為都鄉侯順帝永建

五年更為侯國也又東北逕博陵縣故城南

案近刻脫東北

二字即古陸成

案近刻訛作城

漢武帝元朔二年封中山靖王

子劉貞為侯國者也地理風俗記曰博陵縣史記蠡

吾故縣矣漢質帝本初元年繼孝沖為帝追尊父翼

陵曰博陵因以為縣又置郡焉漢末罷還安平晉太

始年復為郡今謂是城為野城澆水又東北逕侯世

縣故城南又東北逕陵陽亭東又北左會博水水出

望都縣東南流逕其縣故城南王莽更名曰順調矣

又東南潛入地下博水又東南循瀆重源湧發

案近刻循

訛作於 東南逕三梁亭南疑即古勺梁也竹書紀年曰

燕人伐趙圍濁鹿趙武靈王

案近刻脫武字

及代人救濁鹿

敗燕師于勺梁者也今廣昌東嶺之東有山俗名之

曰濁鹿邏

案近刻訛作羅

城地不遠

案近刻城訛作地

土勢相鄰以

此推之或近是矣所未詳也博水又東南逕穀梁亭

南又東逕陽城縣散為澤渚渚水瀦漲方廣數里

案近

刻脫廣字

匪直蒲筍是豐寔亦偏饒菱藕至若巒婉艸童

及弱年惠子

案近刻作嬖童艸角弱年女子角字女
子謂之惠廣韻山字皆後人所改方言江湘之間凡言是

皆切呼彼之稱或單舟採菱或疊舸折芰

案近刻訛作艾

長歌陽春愛深綠水掇拾者不言疲謠詠者自流響

案近刻脫此二字

于時行旅過矚亦有慰于羈望矣世謂之

為陽城淀也陽城縣故城近在西北故陂得其名焉

郡國志曰蒲陰縣有陽城者也今城在縣東南三十里其水又伏流循瀆屆清梁亭西北重源又發博水

又東逕白堤亭南

案白近刻訛作自

又東逕廣望縣故城北

漢武帝元朔二年封中山靖王子劉忠為侯國又東

合堦溝溝上承清梁陂又北逕清涼城東

案涼近刻訛作源

即將梁也漢武帝元朔二年封中山靖王子劉朝平

為侯國其水東北入博水博水又東北左則濡水注

之

案此南濡也今名祁水

水出蒲陰縣西昌安郭南中山記曰

郭東有舜氏甘泉有舜及二妃祠稽諸傳記

案諸下近刻衍

子無聞此處世代云遠異說之來于是乎在矣其水

自源東逕其縣故城南枉渚迴湍率多曲復亦謂之

為曲逆水也張晏曰濡水于城北

案濡近刻訛作湍

曲而西

流是受此名故縣亦因水名而氏曲逆矣春秋左傳

哀公四年齊國夏伐晉取曲逆是也漢高帝擊韓王

信自代過曲逆上其城望室宇甚多曰壯哉吾行天

下惟洛陽與是耳詔以封陳平為曲逆侯王莽更名

順平濡水又東與蘇水合水出縣西南近山東北流

逕堯姑亭南

案姑近刻訛作始

又東逕其縣入濡濡水又東

案兩濡字近刻並訛作湍

得蒲水口水出西北蒲陽山西南流積

水成淵東西百步南北百餘步深而不測蒲水又東

南流

案蒲近刻作其

水側有古神祠世謂之為百祠亦曰蒲

上祠所未詳也又南逕陽安亭東

案陽安近刻訛作安陽下同

晉

書地道記曰蒲陰縣有陽安關蓋陽安關都尉治世俗名斯川為陽安塘蒲水又東南歷塘逕陽安關下

名關臯為唐頭坂

案臯近
刻作罩

出關北流又東流逕夏屋

故城實中險絕竹書紀年曰魏殷臣趙公孫裒伐燕

還取夏屋城曲逆者也其城東側因阿仍墉築一城

案阿近
訛作河

刻世謂之寡婦城賈復從光武追銅馬五幡

于北平所作也世俗音轉故有是名矣其水又東南

流逕蒲陰縣故城北地理志曰城在蒲水之陰漢章

帝章和二年行巡北岳以曲逆名不善因山水之名

改曰蒲陰焉水右合魚水水出北平縣西南魚山山

石若巨魚案近刻訛作山石善巨焉水發其下故世俗以物色名

至高陽入河十二字係重出行文

水竝從縣東入濡水又東入濡故地理志曰蒲水蘇

自下博水亦兼濡水通稱矣春秋昭公七年齊與燕

盟于濡上案近刻訛作會于濡水

杜預曰濡水出高陽縣東北

至河間鄚縣入易水是濡水與滹沱澇易互舉通稱

矣案此下近刻有地理志曰博水東

博水又東北徐

水注之水西出廣昌縣東南大嶺下世謂之廣昌嶺

嶺高四十餘里二十里中委折五迴方得達其上嶺
故嶺有五迴之名下望層山盛若蟻蛭實兼孤山之
稱亦峻竦也

案竦近刻訛作竦

徐水三源竒發齊瀉一澗東

流北轉逕東山下水西有御射碑徐水又北流西屈

逕南崖下

案崖近刻作巖下同

水陰又有一碑徐水又隨山南

轉逕東崖下水際又有一碑凡此三銘皆翼對層巒

案近刻訛作巖

巖障深高壁立霞峙石文云皇帝以太延元

年十二月車駕東逕五迴之險邃

案近刻訛作途

覽崇岸

之竦峙乃停駕路側援弓而射之飛矢踰于巖山刊

石用讚元功夾碑竝有層臺二所即御射處也碑陰

皆列樹碑官名徐水東北屈逕郎山

案東北屈近刻訛作屈東北

又屈逕其山南衆岑競舉

案衆字近刻訛作岑山二字

若豎鳥翅

立石嶄巖亦如劒杪極地險之崇峭漢武之世戾太子以巫蠱出奔其子遠遁斯山故世有郎山之名山

南有郎山君碑事具其文

案近刻訛作山內有郎山碑事具文

徐水又

逕郎山君中子觸鋒將軍廟南

案中子近刻訛作子中廟訛作廣

廟

前有碑晉惠帝永康元年八月十四日壬寅發詔錫

君父子法祠其碑劉曜光初七年前頓丘太守郎宣

案頓丘近刻訛作頴丘

北平太守陽平邑振等共脩舊碑刻石

樹頌焉徐水又逕北平縣縣界有漢熹平四年幽冀

二州以戊子詔書

案戊近刻訛作代

遣冀州從事王球幽州

從事張昭

案近刻作曠

郡縣分境立石標界具揭石文矣

徐水又東南流歷石門中世俗謂之龍門也其山上
合下開開處高六丈飛水歷其間南出乘崖傾澗洶

注七丈有餘渟盪之音竒為壯猛觸石成井水深不測素波自激案自近刻訛作白濤襄四陸瞰之者驚神臨之

者駭魄矣東南出山逕其城中有故碑是太白君碑

郎山君之元子也其水又東流漢光武追銅馬五幡

于北平破之于順水北

案近刻脫于字

乘勝追北為其所敗

短兵相接光武自投崖下遇突騎王豐于是授馬退

保范陽

案退近刻訛作進

順水蓋徐州之別名也徐水又東

逕蒲城北又東逕清苑城又東南與盧水合

案盧原本及近

刻並訛作沈下同今據漢書改正又近刻脫合字

水出蒲城西

案近刻脫城字

俗謂

之泉頭水也地理志曰北平縣有盧水

案此下近刻有東入河三

字係行文即是水也東逕其城又東南左入徐水地理志

曰東至高陽入博

案近刻訛作入河今漢書各本亦訛

今不能也徐水

又東左合曹水水出西北朔寧縣曹河澤

案合下近刻行會字

水出西北訛
作出西北水

東南流左合岐山之水水出岐山東逕

邢安城北又東南入曹河曹水又東南逕北新城縣

故城南

案此下近刻有河南又逕北十字係行文

王莽之朔平縣

也曹水又東入于徐水徐水又東南逕故城北

案近刻故

上有俗謂之祭隅城
案隅近刻訛作過所未詳也徐水又東

注博水

案注近刻
作流入

地理志曰徐水出北平東至高陽

入于博又東入澆地理志曰博水自望都東至高陽
入于澆是也

案近刻訛作入于河又脫是
二字今漢書各本亦訛

又東北入于易

澆水又東北逕依城北世謂之依城河地說無依城

之名

案地近刻訛作他

即古葛城也郡國志曰高陽有葛城

燕以與趙者也澆水又東北逕阿陵縣故城東王莽之阿陸也建武二年更封左將軍任光為侯國澆水

東北至長城注于易水者也

案此易水謂南易至文安與滹沱合者長城在

今文安縣界

水經注卷十一



總校官庶吉士 臣 張能照

校對官助教臣 金學詩

校對官庶吉士 臣 嚴 福

謄錄監生 臣 趙興吾

謄錄監生 臣 朱 淳